


3037
7988.46
(9)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 22 1953

紅毛印



水經卷三十三

漢桑欽撰

後魏鄴道

哈佛大學
哈佛藏
珍藏印

江水一

岷山在蜀郡氏道縣大江所出東南過其縣北

岷山即瀆山也水曰瀆水矣又謂之汶阜山在徼外

江水所導也益州記曰大江泉源即今所聞始發羊

膊嶺下緣崖散漫小大百數殆未濫觴矣東南下百

餘里至白馬嶺而歷天彭關亦謂之為天谷也秦昭

王以李冰為蜀守冰見氏道縣有天彭山兩山相對

其形如闕謂之天彭門亦曰天彭關江水自此已上

至微弱所謂發源濫觴者也漢延平中岷山崩壅江

水三日不流揚雄反離騷云自岷山投諸江流以弔
屈原名曰反騷也

江水自天彭關東逕汶關而歷氏道縣北

漢武帝元封四年分蜀郡北部置汶山郡以統之縣
本秦始皇置後為升遷縣也益州記曰自白馬嶺回
行二千餘里至龍涸又八十里至西陵縣又南下六
十里至石鏡又六十餘里而至北部始百許步又西
百二十餘里至汶山故郡乃廣二百餘步又西南百
八十里至濕阪江稍大矣故其精則井絡纏曜江漢
兩靈河圖括地象曰岷山之精上為井絡帝以會昌
神以建福故書曰岷山導江泉流渙遠盛為四瀆之

首廣雅曰江貢也風俗通曰出珍物可貢獻釋名曰
江共也小水流入其中所公共也東北百四十里岷
山中江所出東注於大江岷山邛崃山也在漢嘉嚴
道縣一曰新道山南有九折阪夏則凝冰冬則毒寒
王子陽按轡處也平恒言是中江所出矣郭景純江
賦曰流二江於岨岷又東百五十里曰岨山北江所
出東注於大江山海經曰岨山江水出焉東注大江
其中多怪蛇江水又逕汶江道汶出徼外嶠山西玉
輪阪下而南行又東逕其縣而東注於大江故蘇代
告楚曰蜀地之甲浮船於汶乘夏水而下江五日而
至郢謂是水也

又有湔水入焉

水出縣道亦曰縣夸縣之玉壘山呂忱云一曰半浣

水也下注江縣夸字誤按漢志蜀郡有縣虎縣注云玉壘山湔水所出東南至江陽入江應

音斯 劬曰虎

江水又東別為沱

開明之所鑿也郭景純所謂玉壘作東別之標者也

縣即汶山郡治劉備之所置也渡江有笮橋

江水又歷都安縣

縣有桃關漢武帝祠李冰作大堰於此堰於江作壩

壩有左右口謂之湔壩江入郫江檢江以行舟益州

記曰江至都安堰其右檢其左其正流遂東郫江之

右也因山頽水坐致竹木以溉諸郡又羊摩江灌江

西於玉女房下作三石人於白沙郵郵在堰官上立

水中刺要江神水竭不至足盛不沒要是以蜀人旱

則藉以為溉雨則不遏其流故記曰水旱從人不知

饑饉沃野千里世號陸海謂之天府也俗謂之都安

之堰亦曰湔堰又謂金隄左思蜀都賦云西踰金隄

者也諸葛亮北征以此堰農大一作國之所資以征

丁千二百人主護之有堰官益州刺史皇甫晏至都

安屯觀阪從事何旅曰今所安營地名觀阪自上觀

下反上之象其徵不祥不從果為牙門張弘所殺江

水又逕臨邛縣王莽之監邛也縣有火井鹽水昏夜

之時光興上照

華陽國志作光映上昭

江水又逕江鄉縣王莽

夏名邛原也鄴江水出焉江水又東北逕郫縣下縣

民有姚精者為叛夸所殺掠其二女二女見夢其兄

當以明日自沈江中喪後日當至可伺候之果如所

夢得二女之尸於水郡縣表異焉江水又東逕成都

縣縣以漢武帝元鼎二年立縣有二江雙流郡下故

揚子雲蜀都賦曰兩江珥其前者也風俗通曰秦昭

王使李冰為蜀守開成都兩江溉田萬頃神歲取童

女二人為婦冰以其女與神為婚徑至神祠勸神酒

酒柸恒澹澹冰厲聲以責之因忽不見良久有兩牛

鬪於江岸旁有間冰還流汗謂官屬曰吾鬪疲極當

相助也南向腰中正白者我綬也主簿刺殺北面者

江神遂死蜀人慕其氣凌凡壯健者因名冰兒也秦

惠王二十七年遣張儀與司馬錯等滅蜀遂置蜀郡

焉王莽改之曰導江也儀築成都以象咸陽晉太康

中蜀郡為王國夏為成都內史益州刺史治地理風

俗記曰華陽黑水惟梁州漢武帝元朔二年改梁曰

益州以新啓犍為牂牁越巂州之疆壤益廣故稱益

云初治廣漢之雒縣後乃徙此故李固與弟圖書曰

固今年五十七鬢髮已白所謂容身而遊滿腹而去

周觀天下獨未見益州耳昔嚴夫子常言經有五涉

其四州有九遊其八欲類此子矣初張儀築城取土

處去城十里因以養魚今萬頃池是也城北又有龍隄池城東有千秋池西有柳池西北有天井池津流徑通冬夏不竭西南兩江有七橋直西門郛江冲里橋西南石牛門曰市橋吳漢入蜀自廣都令輕騎先往焚之橋下謂之石犀淵李冰昔作石犀五頭以厭水精穿石犀渠於南江命之曰犀牛里後轉犀牛二頭在府中一頭在市橋一頭沈之於淵也大城南門曰江橋橋南曰萬里橋西上曰夸橋下曰荏橋南岸道東有文學始文翁為蜀守立講堂作石室於南城永初舊水經作永年華陽國志作永初宋本作永平後學堂遇火後守夏增二石室後州奪郡學移夸里道西故錦官也言錦工

織錦則濯之江流而錦至鮮明濯以沱江則錦色弱矣遂命之為錦里也蜀有迴復水江神常溺殺人文翁為守祀之勸酒不盡拔劍擊之遂不為害江水東逕廣都縣漢武帝元朔二年置王莽之就都亭也李冰識察水脈穿縣鹽井江西有望穿鑿山渡水結諸陂池故盛養生之饒即南江也又從冲里橋北折曰長升橋城北十里曰升遷有送客觀司馬相如將入長安題其門曰不乘高華陽國志作赤車駟馬不過汝下也後入邛蜀果如志焉李冰泐水造橋上應七宿故世祖謂吳漢曰安軍宜在七橋連星間華陽國志云安軍宜在七星間漢自廣都乘勝進逼成都與其副劉尚南北相望夾

江為營浮橋相對公孫述使謝豐揚軍市橋出漢後
襲破漢墜馬落水緣馬尾得出入壁命將夜潛渡江
就尚擊豐斬之於是水之陰江北則左對繁田文翁
又穿湔泐以溉灌繁田一千七百頃江水又東絕縣
洛逕五城界至廣都北岸南入於江謂之五城水口
斯為北江水又東至南安為壁玉津故左思云東越
玉津也

又東南過犍為武陽縣青衣水洙水從西南來合而注
洙水當作沫水

縣故大夜郎國漢武帝開道置以為縣太初四年益
州刺史任安城武陽建元六年置王莽更名西順縣

曰戢成光武謂之士大夫郡華陽國志曰夏始時犍

有蜀郡拒守述伐之郡功曹朱遵逆戰死之而任

君業閉戶費貽素隱光武嘉之曰士大夫之郡也有

鄴江入焉出江源縣首受大江東南流至武陽縣注

於江縣下注上舊有大橋廣一里半謂之安漢橋水

盛歲壞民苦治功後太守李嚴鑿大杜山華陽國志

尋江通道此橋遂廢縣有赤水下注江建安二十九

年有黃龍見此水九日方去此縣藉江為大堰開六

水門用灌郡下北山昔者王喬所升之山也華陽國

東接江陽南接朱提北接蜀郡西接江水又與文井

廣漢王喬升其北山彭祖家其彭澤江會李冰所導也自荅道與濛谿分水至蜀郡臨邛
縣與布僕水合水出徼外成都西沈黎郡漢武元封

四年以蜀都西部邛笮邛理旄牛道天漢四年置都尉主外羌在邛來山表自蜀西渡邛笮其至險有弄棟八度之難揚母閣路之阻水從縣西布僕來分為二流一水逕其道又東逕臨邛縣入文井水文井水又東逕江都縣縣濱文井江江上有長隄隄跨四十里有朱亭亭南有青城山玉匣經云青城山黃帝封岳再朝六時洒泉以代晷漏在岷山之南羣峰掩映互相連撞虛無所宅祥異則多山上有嘉穀山下有蹲鴟即芋也所謂下有蹲鴟至老不饑卓氏之所以樂遠徙也文井江又東至武陽縣天社山下入江其一水南逕越舊邛都縣西東南至雲南郡之蜻蛉縣郡本雲山華陽國志作川地也蜀建興三年置僕

水又南逕永昌郡邪龍縣而與貧水合水出蜻蛉縣上承蜻蛉水逕葉榆縣又東南至邪龍入於僕僕水又逕寧州建寧縣州故庾降都督屯故南入謂之屯下劉禪建興三年分益州郡置歷雙柏縣即水入焉水出秦藏前漢地志作臧縣牛蘭山南流至雙柏縣東注僕水又東至來唯縣入勞水水出徼外東逕其縣與僕水合僕水東至交州交阯郡麓冷一作陵縣南流入於海江水自武陽東至彭亡聚昔岑彭與吳漢滌江水入蜀軍次是地知而惡之會日暮不移遂為刺客所害亦謂之平謨水曰外水此地有彭冢言彭祖冢焉江水又東南逕南安縣西有熊耳峽連山竟險接嶺

爭高漢和平中山崩地震江水逆流縣漑有灘名壘

坻亦曰監漑李冰所平也華陽國志南安縣郡東四百里治青衣江會縣漑有

名灘一曰雷垣二曰縣治青衣江會衿帶二水矣即

蜀王開明故治也來敏本蜀論曰荆人鼈令死漢志

郡有其尸隨水上荆人求之不得鼈令至汶山下復

生起見望帝望帝者杜宇也從天下女子朱利自江

源出為宇妻遂王於蜀號曰望帝望帝立以為相時

巫山峽而蜀水不流帝使鼈令鑿巫峽通水蜀得陸

處望帝自以德不若遂以國禪號曰開明縣南有峨

眉山有濛水即大渡水也水發蒙漢東南流與涑水

合水出徼外逕汶江道呂忱曰涑水出蜀許慎以為

涑水也從水我聲南至南安入大渡水大渡水又東

入江故山海經曰濛水出漢陽西入江潯陽西

又東南過熨道縣北若水淹水合從西來注之又東注

水北流注注水疑誤北流注下當有之字

縣本熨人居之地理風俗記曰夸中最仁有仁道故

字從人秦紀謂熨僮之富者也其邑高后六年城之

漢武帝感相如之言使縣令南通熨道費功無成唐

蒙南入斬之乃鑿石開閣以通南中迄於建寧二千

餘里山道廣丈餘深三四丈其塹舊本作塹之迹猶存王

莽愛曰熨治也山多猶狢似猴而短足好遊巖樹一

騰百步或三百丈順往倒返乘空若飛縣有蜀王兵

蘭

華陽國志云江有兵欄李冰燒之後漢志云有玉岳蘭

其神作大難江中崖

峻咀險不可穿鑿李冰乃積薪燒之故其處縣巖猶

有赤白玄黃五色焉赤白照水玄黃從焚來至此而

止言畏崖嶼不更上也

後漢志云越嵩舊本有燹人崖有五色赤白映水玄黃魚

從楚來至此而止

益部耆舊傳曰張員妻黃氏女也名帛華陽

國志云燹道黃帛張貞妻也

員乘船覆沒求尸不得帛至沒處灘

頭仰天而歎遂自沈淵積十四日帛持員手於灘下

出時人為說曰符有光洛焚道有張帛者也

華陽國志云符

有先絡燹道有張帛江陽郡志內先氏女名絡

江水又與符里水合

水出寧州南廣郡南廣縣故犍為之屬縣也漢武

帝太初元年置劉禪延熙中分以為郡導源汾關山

北水流有大步

宋本作涉

水注之出南廣縣北流注符里

水又北逕燹道入江謂之南廣口渚水則未聞也

又東過江陽縣南洛水從三危山東過廣魏洛陽南東

南注之

魏當作漢

洛水出洛縣漳山亦言出梓潼縣柏山山海經曰三

危在燉煌南與嶠山相接山南帶黑水又山海經不

言洛水所道經曰出三危山所未詳常璩云李冰道

洛通山水流發暴

一作

口逕什邡縣漢高帝六年封

雍齒為侯國王莽更名曰美信縣也洛水又南逕洛

縣故城南廣漢郡治也漢高祖之為漢王也發巴渝

之士北定三秦六年乃分巴蜀置廣漢郡於乘鄉王
莽之就都縣曰廣信也漢安帝永初二年移治涪城
後洛縣先是洛縣城南每陰雨常有哭聲聞於府中
積數十年沛國陳寵為守以亂世多死亡暴骸不葬
故也乃悉收葬之哭聲遂絕劉備自將攻洛龐士元
中流矢死於此益州舊以蜀郡廣漢犍為三蜀土地
沃美人士雋又為一州稱望縣有沈鄉去江七里江
士遊之所居詩至孝母好飲江水嗜魚膾常以雞鳴
溯流汲江子坐又水溺死婦恐姑知稱詩遊學冬夏
衣服實投江流於是至孝上通洞泉泉出其舍側而
有江之甘焉詩有田濱江澤鹵泉流所溉盡為沃野

又涌泉之中旦日常出鯉魚一雙以膳焉可謂孝悌

發於方寸徽美著於無窮者也

江士遊後漢書作姜士遊華陽國志云孝

子江陽符長姜詩字士遊

洛水又南逕新都縣蜀有三都謂成都

廣都此其一焉與縣水合水西出縣竹縣又與湔水

合亦謂之郫江也又言是洛

宋本作涪水呂忱曰一曰湔

然此二水俱與洛會矣又逕犍為牛鞞水昔羅尚乘

牛鞞水東征李雄謂此水也縣以漢武帝元封二年

置又東逕資中縣又逕安漢縣謂之縣水也自上諸

縣咸以溉灌故語曰縣洛為沒沃也縣水至江陽縣

方山下入江謂之縣水口曰中水江陽縣枕帶雙流

據江洛會也漢景帝六年封趙相蘇嘉為侯國江中

有大門小門焉季秋之月則黃鱗魚死漚也

黃鱗下有譌誤

按華陽國志云江中有大關小關季春黃龍堆沒關即平昔世祖微時過江陽縣

有一子望氣者言江陽有貴兒象王莽求之而撩煞

之後世祖怨為子立祠於縣謫其民罰布數世

華陽國志云江陽有貴兒氣王莽求之而縣人殺之世祖謫其民不使冠帶者數世揚雄琴清英曰

尹吉甫子伯奇至孝後母譖之自投江中衣苔帶藻

忽夢見水僊賜其美藥惟養親揚聲悲歌船人聞之

而學之吉甫聞船人之聲疑似伯奇援琴作子安之

操

江水逕安漢縣北

縣雖迫山川土地特美鱉一作鱉桑魚鹽家有焉江陽郡

治也故犍為岐江都尉建安十八年劉璋立

江水東逕樊石灘又逕大附灘

頻歷二險也

又東過符縣北邪東南鰓部水從符關東北注之漢志有邪

龍

縣故巴夸之地也漢武帝建初六年以唐蒙為中郎

將從萬人出巴符關者也漢武元鼎二年立王莽之

符信矣縣治安樂水會水源南通寧州平夸郡鼈縣

北逕安縣界之東又逕符縣下北逕安縣疑有脫落

有符北入江縣長趙祉遣吏光尼和以永建元年十

一月詣巴郡沒死成濡灘子賢求喪不得女絡年二

十五歲有二子五歲以還至二年二月十五日尚不
得喪絡乃乘小船至父沒處哀哭自沈見夢告賢曰
至二十一日與父俱出至日父子果浮出江上郡縣
上言為之立碑以旌孝誠也華陽國志作先尼和沒
死女絡以不得喪自沈
父沒處後漢書云孝女叔先雉父泥和為健為功曹
墮湍水物故雄怨痛不得尸喪百許日後自投水却
後六口與父相持浮於江上搜神記云健為叔先泥和其女名雄其鰥部之水所未
聞矣或是水之殊目非所究也

又東北至巴郡江州縣東強水涪水漢水白水宕渠水

水合南流注之

宋本作
五水合

強水即羌水也宕渠水即潛水渝水矣巴水出晉昌

郡宣漢縣巴嶺山郡隸梁州晉太康中立治漢中縣

南去郡八百餘里故屬巴西南流歷巴中逕巴郡故
城南李嚴所築大城北西南入江庾仲雍所謂江州
縣對二水口右則涪內水左則蜀外水即是水也江
州縣故巴子之都也春秋桓公九年巴子使韓服告
楚請與鄧好是也及七國稱王巴亦王焉秦惠王遣
張儀等救苴侯於巴儀貪巴苴之富因執其王以歸
而置巴郡焉巴治江州漢獻帝初平元年分巴為三
郡於江州則永寧郡治也至建安六年劉璋納蹇濟
華陽國志
作蹇胤之訟復為巴郡以嚴顏為守顏見先主入
蜀歎曰獨坐窮山放虎自衛此即拊心處巴漢世郡
治江州巴水北北府城是也後乃徙南城劉備初以

江夏費觀爲太守領江州都督後都護李嚴夏城周一十六里造倉龍白虎門求以五郡爲巴州治丞相諸葛亮不許竟不果地勢側嶮皆重屋累居數有火害又不相容結舫水居者五百餘家承三江之會夏水增盛壞散顛沒死者無數縣有官橋官荔枝園夏至則熟二千石常設廚膳命士大夫共會樹下食之縣北有稻田出御米也縣下又有清水穴巴人以此水爲粉則皜曜鮮芳貢粉京師因名粉水故世謂之爲江州墮林粉粉水亦謂之爲立水矣江水北岸有塗山南有夏禹廟塗君祠廟銘存焉常璩仲雍竝言禹娶於此余按羣書咸言禹娶在壽春當塗不於此

也

又江水東至枳縣西延江從牂牁郡北流西屈注之東逕陽關巴子梁江之兩岸猶有梁處巴之三關斯爲一也延熙中蜀車騎將軍鄧芝爲江州都督治此江水又東右逕黃葛峽山高嶮今無人居江水又左逕明月峽東至黎鄉歷雞鳴峽江之兩岸有枳縣治華陽記曰枳縣在江州巴郡東四百里治涪陵水會庾仲雍所謂有別江出武陵者也水乃延江之枝津分水北注逕涪陵入江故亦曰涪陵水也其水南逕武陵郡昔司馬錯泝舟此水取楚黔中地延熙中鄧芝伐徐巨射玄援於是縣援自拔矢卷木葉塞射瘡

芝歎曰傷物之生吾其死矣江水又東逕涪陵故郡北後乃并巴郡遂罷省江水又東逕文陽灘險難上江水又東逕漢平二百餘里左自涪陵東出百餘里而居於積石東為桐柱灘

又逕東望峽東歷平都

峽對豐民洲舊巴子別都也華陽記曰巴子雖都江平州又治平都即此處也有平都縣為巴郡之隸邑矣縣有天師治兼建佛寺甚清靈縣有市肆四日一會

江水又逕虎鬚灘

灘水廣大夏斷行旅

江水又東逕臨江縣南

王莽之鹽江縣也華陽記曰縣在枳東四百里東接朐忍縣有鹽官自縣北入鹽井谿有鹽井營戶公注

谿井水

當作注鹽井谿水

江水又東得黃華水口

江浦也

左逕石城南

庾仲雍曰臨江至石城黃華口一百里

又東至平洲

洲上多居民

又東逕壤塗而歷和灘又東逕界壇

是地巴東之西界益州之東境故得是名也又東過魚復縣南夸水出焉

江水又東右得將龜谿口

華陽記曰朐忍縣出靈龜咸熙元年獻龜於相府言出自此谿也

江水又東南會北集渠

二谿水涪陵縣界謂之于陽谿北流逕巴東郡之南浦僑縣西谿夾側鹽井三口相去各數十步以木為桶徑五尺修煮不絕谿水北流注於江謂之南集渠口亦曰于陽谿口北水出新浦縣北高梁山分谿南流逕其縣西又南一百里入朐忍縣南入於江謂之

北集渠口別名班口又曰分水口朐忍尉治此

江水又右逕池谿口

蓋江汜浚入也

江水又東逕右龍

水至於博陽二邨之間有盤石廣四百丈長六里而復殆於咀塞江川夏沒冬出基亘通渚

又東逕羊腸虎臂灘

楊亮為益州至此舟覆懲其波瀾蜀人至今猶名之為使君灘

江水又東彭水注之

水出巴渠郡獠當作羣獠中東南流逕漢豐縣東清水注

之水道源出西北巴渠縣東北巴嶺南獠中即巴渠水也西南流至其縣又西入峽檀井谿水出焉又西過山至漢豐縣東而西注彭谿謂之清水口彭谿又入逕胸忍縣西六十里南流至於江謂之彭谿口江水又東右逕胸忍縣故城南

常璩曰縣在巴東郡西二百九十里縣治故城跨其山阪南臨大江之南岸有方山山形方峭枕側江濱江水又東逕瞿巫灘

即下瞿灘也又謂之博望灘左則湯谿水注之水源出縣北六百餘里上庸界南流歷之當作其縣翼帶鹽井一百所巴川資以自給粒大者方寸中央隆起形

如張傘故因名之曰傘子鹽有不成者形亦必方異於常鹽矣王隱晉書地道記曰入湯口四十三里有石煮以為鹽石大者如升小者如拳煮之水竭鹽成蓋蜀火井之倫水火相得乃佳矣湯谿下與檀谿水合上承巴渠水巴渠南歷檀井谿之檀井水下入湯水湯水又南入於江名曰湯口江水又逕東陽灘

江上有破石故亦通謂之破石灘荀延光沒處也舊本作荀延光常璩曰水道有東陽下瞿數灘山有大小石城靈壽木及橘圃也故地理志曰縣有橘官有民市

江水又逕魚復縣之故陵

舊郡治故陵谿西二里故陵邨谿即永谷也地多木瓜樹有子大如甌白黃實甚芬香爾雅之所謂楝也江水又東為落牛灘逕故陵北

江側有六大墳庾仲雍曰楚都丹陽所葬亦猶枳之巴陵矣故以故陵為名也有魚復尉戍此江之左岸有巴鄉邨邨人善釀故俗稱巴鄉清郡出名酒邨側有谿谿中多靈壽木中有魚其頭似羊豐肉少骨美於餘魚谿水伏流逕平頭山內通南浦故縣陂湖其地平曠有湖澤中有菱芡鯽鴈不異外江凡此等物皆入峽所無地密惡蠻不可輕至

江水又右逕夜清而東歷朝陽道口

有縣治治下有市十日一會

江水又東左逕新市里南

常璩曰巴舊立市於江上今新市里是也

江水又東右合陽元水口

水口出陽縣西南高陽山東東北流逕其縣南東北流丙水注之水發縣東南柏枝山山下有丙穴穴方數丈中有嘉魚常以春末遊渚冬初入穴抑亦褒漢

丙穴之類也

任豫益州記云嘉魚之鱗似鱒蜀人謂之拙魚從石孔隨泉出大者五六尺

其水北流入高陽谿谿水又東北流注於江謂之陽元水口

江水又東逕南鄉峽東逕永安宮南

劉備終於此諸葛亮受遺處也其間平地可二十許里江山迴闊入峽所無城周十餘里背山面江頽墉四毀荆棘成林左右民多墾其中

江水又東逕諸葛亮圖壘南

石磧平曠望兼川陸有亮所造宋本云所作八陣圖東跨

故壘皆累細石為之自壘西去聚石八行行間相去

二丈因曰八陣既成自今行師庶不覆敗皆圖兵勢

行藏之權自後淡識者所不能了今夏水漂蕩歲月

消損高處可二三尺下處磨滅殆盡

江水又東南逕赤岬西

是公孫述所造因山據勢周迴七里一百四十步東高二百丈西北高一千丈南連基白帝山甚高大不生樹木其土悉赤土人云如人袒胛故謂之赤岬山淮南子曰徬徨於山岬之旁注曰岬山脅也郭仲產曰斯名將因此而興矣

江水又東逕魚復縣故城南

故魚國也春秋左傳文公十六年庸與羣蠻叛楚莊

王伐之七遇皆北唯裨儵魚人逐之是也地理志江

關都尉治公孫述名之為白帝取其王巴蜀章武二

年劉備為吳所破改白帝為永安巴東郡治也漢獻

帝初平元年分巴為三都以魚復為故陵郡趙胤訴

劉璋改為巴東郡治趙盾當作蹇盾見華陽國志白帝山城周迴

二百八十步北緣馬嶺接赤岬山其間平處南北相

去八十五丈東西十七丈又東旁東瀼谿即以為隍

西南臨大江闕之眩目唯馬嶺小差委迤猶斬為路

羊腸數四然後得上益州刺史鮑陋鎮此為譙道福

所圍城裏無泉乃南開水門鑿石為函道上施木天

公直下至江中有似猿臂相牽引汲然後得水水門

之西江中有孤石為淫預石冬出水二十餘丈夏則

沒亦有裁處宋本李膺益州記云豔瀕堆夏水漲

進又曰猶豫言舟子取途不波水脈故縣有夸谿即

狼山清江也經所謂夸水出焉

江水又東逕廣谿峽

斯乃三峽之首也其間三十里頽巖倚木厥勢殆交

北岸山上有神淵淵北有白鹽崖高可千餘丈俯臨

神淵土人見其高白故因名之天旱焚木岸上推其

灰燼下穢淵中尋則降雨常璩曰縣有山舊本錯以瀨水注并

字入此今改正之澤水神旱時鳴鼓請雨則必應

嘉澤蜀都賦所謂應鳴鼓而興雨也峽中有瞿塘黃

龍二灘夏水迴復沿沂所忌瞿塘灘上有神廟尤至

靈驗刺史二千石逕過皆不得鳴角伐鼓商旅上水

恐觸石有聲乃以布裹篙足今則不能爾猶饗薦不

輟此峽多猿猴不生北岸非唯一處或有取之放著

北山中初不聞聲將同貉獸渡汶而不生矣蓋自昔
禹鑿以通江郭景純所謂巴東之峽夏后疏鑿者又
東出江關入南郡界

江水自關東逕弱關捍關

捍關廩君浮夸水所置也弱關在建平秭歸界昔巴
楚數相攻伐藉險置關以相防捍秦兼天下置立南
郡自巫上皆其城也又東過巫縣南鹽水從縣東南
流注之

江水入東烏飛水注之

入東當作又東

水出天門郡淩中縣界北流逕建平郡沙渠縣南又
北流逕巫縣南西北歷山道三百七十里注於江謂

之烏飛口

水經卷三十三

水經卷三十四

漢桑欽撰

後魏酈道元注

江水二

江水又東逕巫縣故城南

縣故楚之巫郡也秦省郡立縣以隸南郡吳孫休分
為建平郡治巫城城緣山為墉周十二里一百一十
步東西北三面皆帶瀉溪谷南臨大江故謂之夔國
也

江水又東巫谿水注之

谿水導源梁州晉興郡之宣漢縣東入

當作

南逕建

平郡泰昌縣南又逕北井縣西東轉歷其縣北井南

有鹽井井在縣北故縣名北井建平一郡之所資也
鹽水下通巫谿谿水是兼鹽水之稱矣谿水又南屈
逕巫縣東縣之東北三百步有聖泉謂之孔子泉其
水飛清潔石穴竝高泉下注谿水谿水又南入於大
江

江水又東逕巫峽

杜宇所鑿以通江水也郭仲產云按地理志巫山在
縣西南而今縣東有巫山將郡縣居治無恒故也

江水歷峽東逕新崩灘

此山漢和帝永元十三年崩晉太元二年又崩當崩
之日水逆流百餘里涌起數十丈今灘上有石或員

如簞或方似屋若此者甚衆皆崩崖所隕致怒湍流
故謂之新崩灘其頽巖所餘北一作北之諸嶺尚為竦

桀其下十餘里有大巫山非唯三峽所無乃當抗峰

岷峨偕嶺衡疑其翼附群山竝縈青雲更就霄漢辨

其優劣耳神血涂山海經作孟涂所處山海經曰夏后啓之

臣曰血涂是司神於巴巴人訟於血涂之所其衣有

血者執之是請生居山上在丹山西郭景純云丹山

在丹陽屬巴丹山西即巫山者也又帝女居焉宋玉

所謂天帝之季女名曰瑤姬未行而亡封於巫山之

臺精魂為草實為靈芝所謂巫山之女高唐之姬旦

為行雲暮為行雨朝朝暮暮陽臺之下旦早視之果

如其言故為立廟號朝雲焉其間首尾一百六十里
謂之巫峽蓋因山為名也自三峽七百里中兩岸連
山略無關處重巖疊嶂隱天蔽日自非停午夜分不
見曦月至於夏水襄陵沿沂阻絕王命急宣有時朝
發白帝暮到江陵其間千二百里雖乘奔御風不以
疾也春冬之時則素湍淙潭迴清倒影絕巘多生檉
柏縣泉瀑布飛漱其間清榮峻茂良多趣味每至晴
初霜旦林寒澗肅常有高猿長嘯屢引淒異世說注引荆州
記作屬空谷傳響哀轉久絕故鮫者歌曰巴東三峽
巫峽長猿鳴三聲淚沾裳

江水又東逕石門灘

灘北岸有山山上合下開洞達東西緣江步路所由
劉備為陸遜所破是一作逕此門追者甚急備乃燒
斷鎧道孫桓為遜前驅奮不顧命斬上夔吳志道截
其要徑備踰山越嶮僅乃得免忿恚而歎曰吾昔至
京桓尚小兒而今迫孤乃至於此遂發憤而薨矣
又東過秭歸縣之南

縣故歸鄉地理志曰歸子國也樂緯曰昔歸典協聲
律宋忠曰歸即夔歸鄉蓋夔鄉矣古楚之嫡嗣有熊
摯者以廢疾不立而居於夔為楚附庸後王命為夔
子春秋僖公二十六年楚以其不祀滅之者也袁崧
曰屈原有賢姊聞原放逐亦來歸喻令自寬全鄉人

冀其見從因名曰秭歸即離騷所謂女嬃嬋媛以詈
余也縣城東北依山即阪周迴二里高一丈五尺南
臨大江古老相傳謂之劉備城蓋備征吳所築也縣
東北數十里有屈原舊田宅雖畦堰縻漫猶保屈田
之稱也縣北一百六十里有屈原故宅累石為屋基
名其地曰樂平里宅之東北六十里有女嬃廟擣衣
石猶存故宜都記曰秭歸蓋楚子熊繹之始國而屈
原之鄉里也屈原宅於今具存指謂此也

江水又東逕城北

其城馮嶺作固二百一十步夾谿臨谷據山枕江北
對丹陽城城據山跨阜周八里二百八十步東北兩

面悉臨絕澗西帶亭下谿南枕大江嶮峭壁立信天
固也楚子熊繹始封丹陽之所都也地理志以為吳
子之丹陽論者云尋吳楚悠隔縵縷荆山無容遠在
吳境是為非也又楚子先王陵墓在其間蓋為徵矣
江水又東南逕夔城南

跨據川阜周迴一里百一十八步西北皆枕溪谷東
帶鄉谿南側大江城內西北角有金城東北角有員
大獄西南角有石井口徑五尺熊摯始治巫城後疾
移此蓋夔徙也春秋左傳僖公二十六年楚令尹子
玉城夔者也城夔左傳作滅夔服虔曰在巫之陽秭歸歸鄉
矣

江水又東逕歸鄉縣故城北

袁崧曰父老傳言原旣流放忽然暫歸鄉人喜悅因名曰歸鄉抑其山秀水清故出雋異地嶽流疾故其性亦隘詩云惟岳降神生甫及中信與余謂袁崧此言可謂因事而立證恐非名縣之本旨矣縣城南面重嶺北背大江東帶鄉口谿谿源出縣東南數百里西北入縣逕狗峽西峽崖龕中石隱起有狗形形狀具足故以狗名峽鄉口谿又西北逕縣下入江謂之鄉口也

江水又東逕信陵縣南

臨大江東旁溪谿源北發梁州上庸縣界南流逕

縣下而注於大江也

江水又東過夸陵縣南

江水自建平至東界峽盛弘之謂空冷峽峽甚高峻即宜都建平二郡界也其間遠望交嶺表有五六峰參差互出上有奇石如二人象攘袂相對俗傳兩郡督郵爭界於此宜都督郵厥勢小東傾議者以為不如也

江水歷峽東逕宜昌縣之埵竈下

江之左岸絕岸壁立數百丈飛鳥所不能棲有一火爐埵在崖間當作火爐望見可長數尺父老傳言昔洪水之時人薄舟崖側以餘燼埵之巖側至今猶存

故先後相承謂之埵竈也

洽聞記云空冷峽絕壁上有一火燼長數尺名曰插

竈相傳堯時洪水行者泊舟崖側炊爨以餘燼插之鄭常蓋亦據此注耳

江水又東流頭灘

其水竝浚激奔暴魚鼈所不能游行常苦之其歌曰灘頭白勃堅相持倏忽淪沒別無期袁崧曰自蜀至此五千餘里下水五日上水百日也

江水又東逕宜昌縣北

分夸道狼一作狼山所立也縣治江之南岸北枕大江

與夸陵對界宜都記曰渡流頭灘十里便得宜昌縣也

江水又東逕狼尾灘而歷人灘

袁崧曰二灘相去二里人灘水至峻峭南岸有青石夏沒冬出其石欽崟數十步中悉作人面形或大或小其分明者鬚髮皆具因名曰人灘也

江水又東逕黃牛山

下有灘名曰黃牛灘南岸重嶺疊起最外高崖間有石當作如人負刀牽牛人黑牛黃成就分明既人跡

所絕莫得究焉此巖既高加江湍紆迴雖途逕信宿猶望見此物故行者謠曰朝發黃牛暮宿黃牛言水路行淡迴望如一矣

御覽引此云言水路紆淡迴環望如一矣

江水又東逕西陵峽

宜都記曰自黃牛灘東入西陵界至峽口一百許里

山水紆曲而兩岸高山重嶂非日中夜半不見日月
絕壁或千許丈其石彩色形容多所象類林木高茂
略盡冬春猿鳴至清山谷傳響泠泠不絕所謂三峽
此其一也崧言常聞峽中水疾書記及口傳悉以臨
懼相戒曾無稱有山水之美也及余來踐躋此意既
至欣然始信之耳聞不如親見矣其壘嶸秀峰奇構
異形固難以詞敘林木蕭森離離蔚蔚乃在霞氣之
表仰矚俛映彌習彌佳吳瑄本無佳字流連信宿不覺忘返
目所履歷未嘗有也既自欣得此奇觀山水有靈亦
常驚知已於千古矣

江水歷禹斷江

南峽北有北谷邨兩山間有水清深潭而不流又舊
舊傳言昔是大江及禹治水此江小不足瀉水禹夏
開今峽口水勢并衝此江遂絕於今謂之斷江也

江水出峽東南流逕故城州

州附北岸洲頭曰郭洲長二里廣一里上有步闡故
城方員稱洲周迴略滿故城洲上城周里疑疑吳西
陵督步騭所築也孫皓鳳皇元年騭息闡復為西陵
督據此城降晉遣太傅羊祜接援未至為陸抗所陷
也

江水又東逕故城北

宋本作陸抗故城北

所謂陸抗城也城即山為墉四面大險江南岸有山

孤秀從江中仰望壁立峻絕表崧為郡嘗登之矚望
焉故其記云今自山南上至其嶺嶺容十許人四面
望諸山略盡其勢俛臨大江如縈帶焉視舟如鳧鴈
矣北對夸陵縣之故城城南臨大江秦令白起伐楚
三戰而燒夸陵者也應劭曰夸山在西北蓋因山以
名縣也王莽改曰居利吳黃武元年更名西陵也後
復夸陵縣北三十里有石穴名白馬穿舊本作名嘗
有白馬出穴食人逐之入穴潛行出漢中漢中人失
馬亦嘗出此穴相去數千里袁崧言江北多連山登
之望江南諸山數十百重莫識其名高者千仞多奇
形異勢自非煙寒雨霽不辨見此遠山矣余嘗往返

十許過正可再見遠峰耳

江水又東逕白鹿巖

沿江有峻壁百餘丈後所不能遊有一白鹿陵隋登
崖乘巖而上故世名此巖為白鹿云

江水又東歷荆門虎牙之門

荆門在南上合下開閭徹山南有門象虎牙在此石

壁色紅間有白文類牙形竝以物象受名此三山楚

之西塞也水勢急峻故郭景純江賦曰虎牙桀豎以

屹萃荆門鬪竦而盤薄圖洲九迴以縣騰溢流雷响

而電激者也江賦鬪作闕圖漢建武十一年公孫述

遣其大司徒任滿翼江王田戎將兵萬當有據嶮為

浮橋橫江以絕水路營壘跨山以塞陸道光武遣吳漢岑彭將六萬人擊荆門漢等率舟師攻之直衝浮橋因風縱火遂斬滿等矣

又東南過夸道縣北夸水從狼山縣南東北注之漢地理志

武陵郡有狼山孟康曰音恒

夸道縣漢武帝伐西夸路由此出故曰夸道矣王莽

更名江湖宋本作江南桓溫父名彝改曰西道魏武臨江

分南郡置臨江郡劉備曰宜都郡治在縣東四百步

故城吳丞相陸遜所築也為二江之會也北有湖里

洲洲上橘柚蔽野桑麻閭日西望狼山諸嶺重峰疊

秀青翠相臨時有丹霞白雲遊曳其上城東北有望

堂地特峻下臨青江遊矚之名處也縣北有女觀山

厥處高顯回眺極目古老傳言昔有思婦夫官於蜀

屢愆歸期舊本作愁期當是秋期之譌登此山絕望憂感而死山

木枯悴鞠為童枯鄉人哀之因名此山為女觀焉葬

之山頂今孤墳尚存矣又東過枝江縣南沮水從北

來注之

江水又東逕上明城北

晉太元年中苻堅之寇荊州也刺史桓沖徙渡江南

使劉波築之移州治城也其地夸敞北據大江江汜

當作江沱枝分東入大江縣治州上故以枝江為稱地理

志曰江沱出西南東入江是也其民古羅徙羅故居

宜城西山楚文王又徙之於長沙今羅縣是矣縣西
三里有津鄉津鄉里名也春秋莊公十九年巴人伐
楚楚子禦之大敗於津鄉應劭曰南郡江陵有津鄉
今則無聞矣郭仲產云尋楚禦巴人枝江是其塗僂
此津鄉縣即其地也津鄉縣舊本作津鄉弘字實
譌吳瑄改作縣亦無所據或是
似字盛弘之曰縣舊治沮中後移出百里洲西去郡
一百六十里縣左右有數十洲槃布江中其百里洲
最為大也中桑田甘果映江依洲自縣西至上明東
及江津其中有九十九洲楚諺云洲下石當作洲故
不出王者桓公有問鼎之志乃漕一洲以克百數僭
號數旬宗滅身屠及其傾敗洲亦消毀今上在西忽

有一洲自生沙流迴薄成不淹時其後未幾龍飛江

漢矣此今上是盛弘之荆州記中語謂宋文帝也隋
志云盛弘之是臨川王侍郎撰荆州記三卷

縣東二里有縣人劉凝之故宅凝之字志安兄盛公

高尚不仕凝之慕老萊嚴子陵之為人立屋江湖非

力不食妻梁州刺史郭詮女亦能安貧宋元嘉中夫

妻隱於衡山終焉不返矣縣東北十里土臺北岸有

池洲長十里義熙初武烈王斬桓謙處武烈王當是
武陵王按宋

書高祖討桓公公敗走江陵乃奉武陵王遵為大將
軍承制大赦天下公走至枚回洲斬首傳京師義熙

元年正月劉毅等至江縣東南二十里富城洲上有

道士范儕精廬自言巴東人少遊荆土而多盤桓縣

界惡衣麤食蕭散自得言來事多驗而詞不可詳人

心欲見歛然而對貌言尋求終弗遇也雖逕跨諸洲而舟人未嘗見其濟涉也後東遊廣陵卒於彼土儕

本洲疑作無定止處宿憩一小巷一作而已弟子慕

之於其昔遊共立精舍以存其人縣有陳留王子香

廟頌子香於漢和帝之時出為荊州刺史有惠政天

子徵之道卒枝江亭中常有三白虎出入人間送喪

踰境百姓追美甘棠以永元十八年立廟設祠刻石

銘德號曰枝江白虎王君其子孫世今猶謂之為白

虎王

江水又東會沮口

楚昭所謂江漢沮漳楚之望也

又南過江陵縣南

縣江有洲號曰枝回洲沈約宋書作枝回洲斬桓玄西

分而為南北江也北江有故鄉洲元興之末桓玄西

奔毛祐之與參軍費恬射於此洲子昇年六歲

輒拔去之王昭之云子之初奔也經日不得食左右

進麤粥咽不下昇抱子胸撫之子悲不自勝至此益

州都護馮遷斬於此洲斬昇於江陵矣下有龍洲

洲東有龍洲二淵當作之間世擅多魚矣鮫者投居

歷網荆州記作往往繼絕宋本作往有潛客泳而視

之見水下有兩石牛嘗為罾害矣故鮫者莫不擊浪

浮舟鼓楫而去矣其下謂之那里洲洲有高沙湖湖

東北有小水通江名曰曾口

江水又東逕鸞尾洲

北合靈谿水水無泉源上承散水合成大谿南流注江江谿之會有靈谿戍背阿面江西帶靈谿故戍得其名矣

江水東得馬牧口

江水斷洲通會

江水又東逕江陵縣故城南

禹貢荆及衡陽惟荊州蓋即荆山之稱而制州名矣故楚也子革曰我先君僻處荆山以供王事遂遷紀鄴今城楚船官地也春秋之渚宮矣秦昭襄王二十

九年使白起拔鄢郢以漢南地而置南郡焉周書曰

南國名也南氏有二臣力鈞勢敵竟進爭權君弗能

制南氏用分為二南國也出周書史記解按韓嬰敘詩云其

地在南郡南陽之間呂氏春秋所謂禹自兪山巡省

南土者也是郡取名焉後漢景帝以為臨江王榮國

王坐侵廟垣地為宮被徵升車出北門而軸折父老

竊流涕曰吾王不還矣自後北門不開蓋由榮非理

終也漢景帝二年改為江陵縣王莽更名南順縣曰

江陵舊城關羽所築羽北圍曹仁呂蒙襲而據之羽

曰此城吾所築不可攻也乃引而退杜元凱之攻江

陵也城上人以瓠繫狗頸示之元凱病瘵故也及城

陷殺城中老小血流沾足論者以此薄之江陵城地
東南傾故緣以金隄自靈谿始桓溫令陳遵造遵善
於防攻當作方功謂以使人打鼓遠聽之知地勢高
下依旁創築略無差矣城西有栖霞樓俯臨通隍吐
納江流城南有馬牧城西側馬逕此洲始自枚迴下
迄於此長七十餘里洲上有奉城故江津長所治舊
主度州郡貢於洛陽因謂之奉城亦曰江津戍也戍
南對馬頭岸昔陸抗屯此與羊祜相對大弘信義談
者以為華元子反復見於今矣北對大岸謂之江津
口故洲亦取名焉江水自此始也疑江水舊本作江火
吳本改為家語曰江水至江津非方舟避風不可涉
水未安

也故郭景純云濟江津以起漲言其深廣也

江水又東逕郢城南

子囊遺言所築城也地理志曰楚別邑故郢矣王莽
以為郢亭城中有趙臺卿冢岐平生自所營也冢圖
賓主之容用存情好敘其宿尚矣

江水又東得豫章口

夏水所通也西北有豫章岡蓋因岡而得名矣或言
因楚王豫章臺名所未詳也

水經卷三十四

水經卷三十五

漢桑欽撰

後魏酈道元注

江水三

又東至華容縣西夏水出焉

江水左池為中夏水右則中郎浦出焉江浦右池南

派曲而極水曲之地勢世謂之江曲者也

又東南當華容縣南涌水出焉

江水又東涌水注之

水自夏水南通於江謂之涌口春秋所謂閭敖游涌

而逸於二水之間者也

江水又逕南平郡孱陵縣之樂鄉城北

吳陸抗所築後王濬攻之獲吳水軍督陸景於此渚也

又東南油水從西南來注之又東右合油口

又東逕公安縣北

劉備之奔江陵使築而鎮之曹公聞孫權以荊州借備臨書落筆杜預克定江南罷華容置之謂之江安縣南郡治矣以華容之南鄉為南郡晉太康元年改曰南平也縣有油水水東有景口口即武陵郡界景口東有淪口淪水南與景水合又南通澧水及諸陂湖北是淵當作淪也相接悉是南蠻府屯也故側江有大城相承云倉諸城即邸閣也

江水左會高口

江浦也對黃州

江水又東得故市口

水與高水通也

江水又右逕楊岐北山

山抗宋本作枕大江山東有城故華容縣尉舊治也

大江又東左合子夏口

江水左迤北出通於夏水故曰子夏也當作夏口也

大江又東左得侯臺水口

江浦也

大江右得龍穴水口

江浦右也也北對虎洲又洲北有龍巢地名也昔禹南濟江黃龍夾舟舟人五色無主禹笑曰吾受命於天竭力養民生死命也何憂龍哉於是二龍弭鱗掉尾而去焉故水地取名矣

江水自龍巢而東俞口

夏水汎盛則有冬無之江水北岸上有小城故監縣尉治也

又東得清揚土隄二口

江浦也

大江右逕石首山北又東逕赭要

赭要洲名在大江中次北湖洲下

江水左得飯筐上口

秋夏水通下口間相距三十餘里赭要下即楊子洲

在大江中二洲之間常苦蛟害者宋本作昔荆攸飛濟此

遇兩蛟斬之自後罕有所患矣江之右岸則溝宋本作清

水口口上即錢官也水自牛皮山東北通江北對清

水洲洲下接生江洲南即生江口水南通澧浦江水

右會飯筐上口江浦所入也

江水又右得上檀浦

江澁也

江水又東逕竹畦南宋本作町

江中有觀詳澁澁東有大洲洲東分為爵洲洲南對

湘江口也

又東至長沙下雋縣北澧水沅水資水合東流注之
凡此諸水皆注於洞庭之陂是乃湘水非江川也
湘水從南來注之

江水右會湘水所謂江水會者也

江水又東左得二夏浦

夏浦俗謂之西江口又東逕忌置山南山東即隱口
浦矣江之右岸有城陵山山有故城東接微落山亦
曰暉落磯江之南畔名黃金瀨瀨東有黃金浦良父
口夏浦也

又東逕彭城口

水東有彭城磯故水受其名即玉潤宋本潤水出口也

縣東玉山玉谿北流注於江

江水自彭城磯東逕如山北

北對隱磯二磯之間大江之中有獨石孤立大江中

山東江浦世謂之白馬口

江水又左逕白羸山南

右歷鴨蘭磯北江中也東得鴨蘭治浦二口夏浦也

江水左逕止當作烏林南

村居地名也又東逕烏黎口江浦也即中烏林矣又

一東逕烏林南吳黃蓋敗魏武於烏林即是處也

江水又東左得子練口

北通練浦又東合練口江浦也南直練洲練名所以
生也江之右岸得蒲磯口即陸口也水出下雋縣西
三山谿其水東逕陸城北又東逕下雋縣南故長沙
舊縣王莽之閩雋也宋元嘉十六年割隸巴陵郡陸
水又屈而西北流又逕其縣北北對金城吳將陸渙
所屯也陸水又入蒲圻縣北逕呂蒙城西昔孫權征
長沙零桂所鎮也陸水又逕蒲磯山北入大江謂之
刁環口又東逕蒲磯山北對蒲圻洲亦曰擊洲又曰
南洲洲頭即蒲圻縣治也晉太康元年置洲上有白
面洲洲南又有淠口水出豫章艾縣東入蒲圻縣至
沙陽西北魚岳山入江山在大江中楊子洲南孤峙

中洲

江水左得中陽水口又東得白沙口

一名沙屯即麻屯口也本名蔑默口江浦矣南直蒲

圻洲水北入百餘里吳所屯也又逕魚岳山北下得

金梁洲洲東北對淵洲宋本一作洲一名淵步洲江濱從洲

頭以上悉壁立無岸歷專政宋本一作岐至白沙方有浦上

甚難江中有沙陽洲沙陽縣治也縣本江夏之沙羨

矣晉太康中改曰沙陽縣宋元嘉十六年割隸巴陵

郡江之右岸有雍口亦謂之流口東北流之長洋港

東北流逕石子岡岡上有故城即州陵縣之故城也

莊辛所言左州侯國矣又東逕州陵新治南王莽之

江夏也港水東南流注於江謂之洋口南對龍穴洲沙陽洲之下尾也洲裏有駕部口宋景平二年迎文帝於江陵法駕頓此因以為名文帝車駕發江陵至此黑龍躍出負帝所乘舟左右失色上謂長史王曇首曰乃夏禹所以受天命矣我何德以堪之故有龍穴之名焉

江水東右得聶口

江浦也左對聶洲

江水左逕百人山南

右逕赤壁山北昔周瑜與黃蓋詐魏武大軍所起也江水東逕大軍山南

山東有山屯夏浦江水左也江中有石浮出謂之節度石右則塗水注之出江州武昌郡武昌縣泰山西北流逕汝南僑郡故城南咸和中寇難南逼戶口南渡因置斯郡治於塗口塗水歷縣西又西北流注於江

江水又東逕小軍山南

臨側江津東有小軍浦

江水又東逕雞翅山北

山東即土城浦也

又東北至江夏沙羨縣西北沔水從北來注之

沌水上承陽縣之白湖東南流為沌水逕陽縣南注

於江謂之沌口有陽都尉治晉永嘉六年王敦以陶
侃為荊州鎮此明年徙林鄣

江水又東逕歎父山南對歎州

亦曰炭步矣江之右岸當鸚鵡洲南有江水右池謂
之驛渚三月以末水下通樊口水

江水又東逕魯山南

右翼際山也地說曰漢與江合於衡北翼際山旁者
也山上有吳江夏太守陸渙所治城蓋取二水之名
地理志曰夏水過郡入江夏也舊治安陸漢高帝六
年置吳乃徙此城中有晉征南將軍荊州刺史胡奮
碑又有平南將軍王世將刻石記征杜曾事有劉琦

墓及廟也山左即沔水口矣沔左有却月城然亦曰
偃月壘戴監軍築故曲陵縣也後乃沙羨縣治也昔
魏將黃祖所守遣董襲陸統攻而禽之禰衡亦遇害
於此衡恃才倜儻肆狂狷於無妄之世保身不足遇
非其死可謂咎悔之深矣江之右岸有船官浦歷黃
鵠磯西而南矣直鸚鵡洲之下尾江水澹曰當作狀

浦是曰黃軍浦昔吳將黃蓋軍師所屯故浦得其名
亦商舟之所會矣船官浦東即黃鵠山林澗甚美譙
郡戴仲若野服居之山下謂之黃鵠岸岸下有灣目
之為鵠灣鵠山東北對夏口城魏黃初二年孫權所
築也依山旁江開勢明遠馮墉藉阻高觀枕流上則

遊因一作目流川下則激浪崎嶇實舟人之所艱也對

岸則入沔津故城以夏口為名亦沙羨縣治也

江水左得湖口水通大湖又東合澗口水上承沔水於

安陸縣而東逕灑陽縣北東南注於江江水又東湖水

自北南注謂之嘉吳江右岸頻得二夏浦北對東城洲

西浦側有雍伏戍江之左岸東會龍驤水口出北山蠻

中江之有宋本武口水上通安陸之延頭

宋元嘉二年衛將軍荊州刺史謝晦阻兵上流為征

北檀道濟所敗走奔於此為戍主光順之所執處也

南至武城俱入大江南直武洲洲南對楊桂水口江

水南出也通金女大文桃班三治吳舊地宋本所在

荊州界盡此

江水東逕若城南

庾仲雍江記曰若城至武城口三十里者也南對郭

口夏浦而不常汎矣東得苦菜夏浦浦東有苦菜夏

江逕其北故浦有苦菜之名焉山下有菜苦可食江

水左得廣武口江浦也江之右岸有李姥浦浦中偏

無蚊蚋之患矣北對崢嶸洲冠軍將軍劉毅破桓彖

於此洲彖乃挾天子西走江陵矣

又東過邾縣南

江水東逕白虎巖北山臨側江濱又東會赤谿夏浦

二口江水右也又東逕具巖宋本作貝巖此庾仲雍謂

之沛岸矣江右岸有秋口江浦也又東得烏石水出
烏石山南流注於江

江水右得黎巖北

亦曰黎岸也山東有夏浦又東逕上磧北山名也仲
雍謂之大小竹磧也北岸烽火洲即舉洲也北對舉
口仲雍作莒字得其音而忘其事非也舉水出龜頭
山西北流逕龍戍南梁定州治蠻田超秀為刺史舉
水又西流左合垂山之水水北出垂山之陽與戈陽
戈疑作弋漢志汝南郡有弋陽縣淠水同發一山故是水合之水之
東有南口戍又南逕方山戍西西流注於舉水又西
南逕梁司豫二州東蠻田魯生為刺史治湖陂城亦

謂之山城也舉水又西南逕顏城南又西南逕齊安
郡西倒水注之出黃武山南流逕白沙戍西又東南
逕梁達城戍西東南合舉水舉水又南東歷赤亭下
又謂之赤亭水又分為二水南流注於江謂之舉洲
南對舉洲春秋左傳定公四年吳楚陣於柏舉京相
璠曰漢東地矣夏有汜水或作舉疑即此也左水東
南流入於江澣曰文方口江之右岸有鳳鳴口江浦
也浦側有鳳鳴戍

江水又東逕邾縣故城南

楚宣王滅邾徙居於此故曰邾也漢高帝三年項羽
封吳芮為衡山王都此晉咸和中庾翼為西陽太守

分江夏立四年豫州刺史毛寶西陽太守樊俊共鎮之為石虎將張格度所陷自爾丘墟焉城南對蘆洲舊吳時客舍於洲上方便謂所止焉亦謂之羅州矣鄂縣北江水右得樊口

庾仲雍江水記云谷里袁口江津南入歷樊山上下三百里通新興馬頭二治樊口之北有灣昔孫權襲大船名之曰長安亦曰大舶載坐直之士三千人與羣臣汎舟江津屬值風起權欲西取蘆州谷利不從乃拔刀急止令取樊口薄船舶至岸而敗故名其處為敗船灣因鑿樊山為路以上人即名其處為吳造峴在樊口上一里今厥處尚存

江水又左逕赤鼻山南

山臨側江川

又東逕西陽郡南郡治即西陽縣也

晉書地道記以為弦子國也

江之右岸有鄂縣故城

舊樊楚也世本稱熊渠封其中子之名某者為鄂王

晉太康地記以為東鄂矣九州記曰鄂今武昌也孫

權以魏黃初元年中自公安徙此改曰武昌縣鄂縣

徙治於袁山東又以其年立為江夏郡分建業之民

千家以益之至黃龍元年權遷都建業以陸遜輔太

子鎮武昌孫皓亦都之皓還東令滕牧守之晉惠帝

永平中始置江州傳綜為刺史治此城後太尉庾亮之所鎮也今武昌郡治城南有袁山即樊山也武昌記曰樊口南有大姥廟孫權嘗獵於山下依夕見一姥問權獵何所得曰正得一豹母曰何不豎豹尾忽然不見應劭漢官序曰豹尾過後執金吾罷屯解圍天子鹵簿中後屬車施豹尾於道路豹尾之內為省中蓋權事應在此故為立廟也又孫皓亦嘗登之使將害常侍王蕃而其首虎以爭之江表傳曰孫皓於殿上斬王蕃出登來山使親近將蕃首作虎跳狼爭咋齧之北背大江江上有釣臺權常極飲其上曰墮臺醉乃已張昭盡言處城西有郊壇權告天位於此顧謂公卿曰魯子敬嘗言此可謂明於

事勢矣城東故城言漢將灌嬰所築也江中有節度石三段廣百步高五六丈是西陽武昌界分江於斯石也又得東五丈又得次浦江浦也東逕五嶼北有五山泐次江陰故得是名矣仲雍謂之五圻江水左則巴水注之

水出雩婁縣之下靈山即大別山也與淩水同出一山故世謂之分水山亦或曰巴山南歷蠻中吳時舊立屯於水側引巴水以溉野又南逕巴水戍南流注於江謂之巴口

又東逕軼縣故城南漢地理志江夏郡有軼縣孟康音汰又音徒系反舊本作較宋本作救皆誤

故弦國也春秋僖公五年秋楚滅弦弦子奔黃者也
漢惠帝元年封長沙相利倉為侯國城在山之陽南
對五洲也江中有五洲相接故以五洲為名宋孝武
帝舉兵江州建牙洲上有紫雲蔭之即是水也
東會希水口出灑縣霍山西麓山北有灑縣故城
地理志曰縣南有天柱山即霍山也有祠南岳廟音
潛譚元春云音潛二字應
在灑字下恐非正文齊立霍州治此西南流分
為二水枝津出焉希水又南積而為湖謂之希湖湖
水又南流逕軼縣東而南流注於江是曰希口水者
也然水流急濬零雨暴疾漂濫無常行者難之
大江右岸有厭里口安樂浦

從此至武昌尚方作部諸屯相接枕帶長江又東得
桑步步下有章浦本南陽郡治今悉荒蕪

江水左得赤水浦

夏浦也

江水又東逕南陽山南

又曰苟巖宋本作
苟巖亦曰南陽巖仲雍謂之南陽圻一

名洛至圻一名石姥水勢迅急

江水又東逕西陵縣故城南

史記秦昭王遣白起伐楚取西陵者也漢章帝建初
二年封陰堂為侯國

江水東歷孟家澆一作澆江之右岸有黃石山水逕其北

即黃石磯也一名石茨圻有西陵縣也縣北則三洲也山連逕江則東山偏高謂之西塞東對黃公九磯所謂九圻者也於行小難兩山之間為闕塞也從此濟於土復土復者北岸地名也

又東過蘄春縣南蘄水從北東注之

江水右得常口

宋本作韋口

江浦也浦東有葦山江水東

逕山北北崖有東湖口江波左迤流結成湖故謂之湖口矣江水又東得空石口江浦在右臨江有空石山南對石穴洲洲上有蘄陽縣治也又東蘄水注之江水又東逕蘄春縣故城南世祖建武三十年封陳俊子浮為侯國也江水又東得銅零口江浦也大江

右逕蝦蟆山北而東會海口水南通大湖北達於江水左右翼山江水逕其北東合臧口江浦矣江水又左逕長風山南得長風口江浦也江水又東逕積布山南俗謂之積布磯又曰積布圻庾仲雍所謂高山也此即西陽一作南陽尋陽二郡界也右岸有土復曰江浦也夾浦有江山山東口有護江浦也庾仲雍謂之朝二浦也

又東過下雉縣北刊水從東陵西南注之

江水東逕琵琶山山下有琵琶灣也又東逕望夫山南又東得苦菜水水口夏浦也江之右岸富水注之水出陽新縣之青湓山西北流逕陽縣故豫章之

屬矣

一作屬縣

地多女烏玄中記曰新陽男子於水次得

之遂與共居生二女悉衣羽而去豫章間養兒不露

其衣言是鳥落塵於兒衣中則令兒病故亦謂之飛

夜遊女矣又西北逕下雒縣王莽愛名之潤兗

當作光

矣後併新陽水之左右公私裂漑咸沃壤舊吳屯所

在也江水口右東得蘭谿水口竝江浦也

又東左得青林口

即水出廬江郡之東陵鄉江夏有西陵縣故是言東

矣尚書云江水過九江至於東陵者也西南流水積

為湖湖西有青林山宋太始元年明帝遣沈攸之西

伐子勣伐柵青山覩一童子甚麗問伐者曰取此何

為答欲討賊童子曰下旬當平何勞伐此在衆人之

中忽不復見故謂之青林湖湖有鯽魚食之肥美辟

寒暑湖水西流謂之青林水又西南歷尋陽分為二

水一水東流通大雷一水西南流注於江經所謂刊

水也右對馬頭岸自富口迄此五千

當作十

餘里岸阻

江山

水經卷三十五

水經卷三十六

漢桑欽撰

後魏酈道元注

青衣水

洹水

若水

沫水

延江水

沅酉水

存水

温水

青衣水出青衣縣西蒙山東與沫水合也

縣故有青衣羌國也竹書紀年孝惠成王十年瑕陽

人自秦道嶮山青衣水來歸漢武帝天漢四年分沈

黎郡西部都尉青衣之王漢

華陽國志作罷沈黎置兩郡都尉一治旄牛主

外羌一治公孫述之有蜀也青衣不服世祖嘉之建

武十九年以為郡安帝延光元年置蜀郡屬國都尉

青衣王子心慕漢制上求內附順帝陽嘉二年改曰

漢嘉

一云嘉下當又有嘉字

得此良臣也縣有蒙山青衣

疑脫水字

所發東逕其縣與沫水會於雋郡

當作越雋郡

之靈關道

青衣水又東邛水注之水出漢嘉嚴道邛來山東至

蜀郡臨邛縣東入青衣水

至犍為南安縣入於江

青衣水逕平鄉謂之平鄉江益州記曰平鄉江東逕

峨眉山在南安縣界去成都南千里然秋日清激望

見兩山相峙如峨眉焉青衣水又東流注於大江

桓水出蜀部岷山西南行羌中入於南海

尚書禹貢岷嶓既藝沱潛既道蔡蒙旅平和夸底績

鄭玄曰和上夸所居之地也和讀曰桓地志曰桓水

出蜀郡蜀山西南行羌中者也尚書又曰西傾因桓

是來馬融王肅云西治傾山唯因桓水是來言無他

道也余按經據書岷山西傾俱有桓水桓水出西傾

山霞無別流所導者唯斯水耳浮於潛漢而達江河

故晉地道記曰梁州南至桓水西底黑水東限扞關

今漢中巴郡汶山蜀郡漢嘉江陽朱提涪陵陰平廣

漢新都梓潼犍為武都上庸魏興新城皆古梁州之

地自桓水以南為夸書所謂和夸底績也然所可當

者唯斯水與江耳桓水蓋二水之別名為兩江之通

稱矣鄭玄注尚書言織皮謂西戎之國也西傾雍州

之山也雍戎二野之間人有事於京師者道當由此

州而來桓是隴阪名其道盤桓旋曲而上故名曰桓
是今其下民謂是阪曲為盤也斯乃玄之別致恐乖
尚書因桓之義非浮潛入渭之文余考按諸書以具
聞見今略輯綜川流注泂之緒雖今古異容本其流
俗粗陳所由然自西傾至葭萌入於西漢即鄭玄之
所謂潛水者也自西漢遡流而屆於晉壽界阻漾枝
津南歷岡穴迤邐而接漢泂此入漾書所謂浮潛而
逾沔矣歷漢川至南鄭縣屬於褒水遡襄暨於衙嶺
之南谿川皮當作支灌於斜川屆於武功而北達於渭
水此乃水陸之相關川流之所經復不乖禹貢入渭
之宗實符尚書亂河之義也

若水出蜀郡旄牛徼外東南至故關為若水也

山海經曰南海之內黑水之間有木名曰若木若水
出焉又云灰野之山有樹焉青葉赤華厥名若木生
崑崙山西附西極也淮南子曰若木在建木西木有
十華其光照下地故屈原離騷天問曰羲和未陽若
華何光是也然若木之生非一所也黑水之間厥木
所植水出其下故水受其稱焉若水泂流間關蜀土
黃帝長子昌意德劣不足紹承大位降居斯水為諸
侯焉娶蜀山氏女生顓頊於若水之野有聖德二十
登帝位承少皞金官之政以水德寶歷矣若水東南
流鮮水注之一名州江大度水出徼外至髦牛漢志作旄

牛道南流入於若水又逕越舊大茆縣入繩繩水出
徼外山海經曰巴遂之山繩水出焉東南流分為二
水其一水枝流東出逕廣柔縣東流注於江其一水
南逕髦牛道至大茆與若水合自下亦通謂之為繩
水矣茆夸也汶山曰茆南中曰昆彌蜀曰邛漢嘉越
舊曰茆皆夸種也

南過越舊邛都縣西直南至會無縣淹水東南流注

注字下有之字

邛都縣漢武帝開邛茆置之縣陷為池今因名為邛
池南人謂之河河中有蛙舊山有舊水言越此水以
章休盛也後復反叛元鼎六年漢兵自越舊水伐之

以為越舊郡治邛都縣王莽遣任貴為領戎大尹守
之更名為集舊也縣故邛都國也越舊水即繩若矣
似隨水地而更名矣又有溫水冬夏常熱其源可燖
雞豚下湯沐浴能治宿疾昔李驤敗李流於溫水是
也若水又逕會無縣有駿馬河水出縣東高山山
有天馬徑厥跡存焉馬日行千里民家馬牧之山下
或產駿駒言是天馬子河中有貝子胎銅胎銅謂以銅璞也以
羊祀之則可取也又有孫水焉水出臺高縣即臺登
縣也孫水一名白沙江南流逕邛都縣司馬相如定
西夸橋孫水即是水也又南至會無入若水若水又
南逕雲南郡之遂久縣蜻蛉水入焉水出蜻蛉縣西

東逕其縣下縣以氏焉有石豬圻長谷中有石豬子
母數千頭長老傳言夸昔牧此一朝化為石迄今夸
人不敢往牧貪水出焉蜻蛉水又東注於繩水繩水
又逕三絳縣西又逕姑復縣北對三絳縣淹水注之
三絳一曰小會無故經曰淹至會無注若水水又與
母血水合水出益州郡弄棟縣東農山母血谷北流
逕三絳縣南北入繩水又東涂水注之水出建寧
郡之牧靡縣南山縣山竝即草以立名山在縣東北
烏句山南五百里山生牧靡可以解毒百卉方盛鳥
多誤食鳥啄口中毒必急飛往牧靡山啄牧靡以解
毒也李奇云牧靡即升麻也涂水導源臈谷西北流至越舊入

繩水又逕越舊郡之馬湖縣謂之馬湖江又左合
卑水縣而東流注馬湖江也

又東北至犍為朱提縣西瀘江水

朱提山名也應劭曰在縣西南以氏焉

一本作在縣西南縣以氏

焉犍為屬國也在郡南千八百許里建安二十年立

朱提郡郡治縣故城郡西南二百里得所館堂琅縣

西北行上高山羊腸繩屈八十餘里或攀木而升或

繩索相牽而上緣陟者若將階天故袁休明巴蜀志

云高山嵯峨巖石磊落傾側縈迴下臨峭壑行者扳

緣牽援繩索三蜀之人及南中諸郡以為至嶮有瀘

津東去縣八十里水廣六七百步深十數丈多瘴氣

解有行者晉明帝大寧二年李驤等侵越舊攻臺登
 縣寧州刺史王遜遣將軍姚岳擊之戰於堂琅驤軍
 大敗岳追之至瀘水赴水死者千餘人遜以岳等不
 窮追怒甚髮上衝冠恰裂而卒按永昌郡有蘭倉水
 出西南博南郡宋本漢明帝永平十二年置博南山
 名也縣以氏之其水東北流出博南山漢武帝時通
 博南山道渡蘭倉津土地絕遠行者苦之歌曰漢德
 廣開不賓渡博南越倉津渡蘭倉為作人華陽國志
 山高四十里蘭倉水出金沙越人收以為黃金又有
 光珠穴穴出光珠又有琥珀珊瑚黃白青珠也蘭倉
 水又東北逕不韋縣與類水合水出舊唐縣漢武帝

置類水西南流曲折又北流東至不韋縣注蘭倉水
 又東與禁水合水自永昌縣而北逕其郡西水左右
 甚饒犀象山有鈎蛇長七八丈尾末有岐蛇在山澗
 水中以尾鈎岸上人牛食之此水有瘴氣時宋本惡
 氣中有物不見其形其作有聲中木則折中人則害
 名曰鬼彈惟十一月十二月差可渡正月至十月逕
 之無不害人故郡有罪人徙之禁防不過十日皆死
 也禁水又北注瀘津水又東逕不韋縣北而東北流
 兩岸皆高山數百丈瀘峰最為高秀孤高三千餘丈
 是山於晉太康中崩震動郡邑水之左右馬步之逕
 裁通而時有瘴氣三月四月逕之必死非此時猶令

人悶吐五月以後行者差得無害故諸葛亮表言五月渡瀘并日而食臣非不自惜也顧王業不可偏安於蜀故也益州記曰瀘水源出曲羅舊下三百里曰瀘水兩峰有殺氣暑月舊不行故武侯以夏渡為艱朱提至犍道有水步道有黑水羊官水至嶮難三津之阻行者苦之故俗為之語曰檣谿赤木盤蛇七曲盤羊烏橐氣與天通看都濩泚住枉呼尹庾降賈子老擔七里又有牛叩頭馬搏頰阪其艱嶮如此也

二語未詳華陽國志云庾降賈子左擔七里按庾降屯名也華陽志云建寧郡治故庾降都督屯也李克蜀記云蜀山自縣谷葭萌道徑險窄北來擔負者不容易肩謂之左擔道

又東北至犍道縣入於江

若水至犍道縣又謂之馬湖江繩水瀘水孫水淹水大渡水隨波入而納通稱是以諸書錄記羣水或言入若又言注繩亦咸言至犍道入江正是異水泐注通為一津實無別川可以當之水有孝子石宋本縣人有隗叔通者性至孝為母給江督水天為出平

石至江督中今猶謂之孝子石可謂至誠發中而休

應自天矣

華陽國志孝子隗通為母汲江齋水供給天為出平石生江中

沫水出廣柔徼外

漢地理志蜀郡有廣柔縣

縣有石紐鄉禹所生也

開山圖注云女狄暮汲石紐山下泉中得月精如雞子吞

之遂孕十四月而生禹

今夸人共營之地方百里不敢居牧有

罪逃野捕之者不逼能藏三年不為人得則共原之
言大禹之神所祐之也

東南過旄牛縣北又東至越雋靈道縣出蒙山南

靈道縣一名靈關道漢制夸狄曰道縣有銅山山人

有利劉一作慈者晉一作太始九年黃龍二見於慈池縣

令董玄之率吏民觀之以白刺史王濬濬表上之晉

朝改護龍縣也沫水出岷山西東流過漢嘉郡南流

衝一高山山上合下開水逕其間山即蒙山也

東北與青衣水合

華陽國記曰二水於漢嘉青衣縣東合為一川自下

亦謂之為青衣水水又東逕開邦縣故平鄉也晉初

置沫水又東逕臨邛南而東出於江源縣也

東入於江

昔沫水自蒙山至南安而溷崖水脈漂疾故害舟船

歷代為患蜀郡太守李冰發卒鑿平溷崖河神鬪怒

冰乃操刀入水與神鬪遂平溷崖通正水路開處即

冰所穿也

延江水出犍為南廣縣又東至犍犍縣東屈北流

犍縣故犍為郡治也縣有犍山晉建興元年置平夸

郡縣有犍水出犍邑西不狼山東與溫水合溫水一

曰煖水出犍為符縣而南入犍水犍水亦出符縣南

與溫水會闕駟謂之闕水俱南入犍邑一作犍水於

其縣而東注於延水延水又與漢水合出犍為漢陽道王莽之新通也山關谷漢地理志作山關谷東至鬻邑入延江水也

至巴郡涪陵縣注夏始水

夏始水即延江枝分之始也延水北入涪陵水涪陵

水出縣東故邑郡之南鄙王莽夏名巴亭魏武分巴

丘為涪陵郡兩漢地志巴郡俱有涪陵縣晉地志云蜀置涪陵郡領縣五晉因之今云魏武

分巴丘為涪陵郡所未詳也張堪為縣會公孫述擊堪同心義士

選習水者筏渡堪於小別江即此水也其水北至枳

縣入江夏始水東入巴東之南浦縣其水注引瀆水

石門空岫陰溪邃澗閣密傾崖上合恒有落勢行旅

避瘴將有逕之處無不危心於其下又謂之西鄉水

亦謂之西鄉谿谿水間關二百許里方得出山又通

波注遠復二百餘里東南入遷陵縣也

又東南至武陵西陽縣入於酉水

武陵先賢傳曰潘京世長為郡主簿太守趙偉甚器

之問京貴郡何以名武陵京答曰鄙郡本名義陵在

辰陽縣界與夸相接數為所破光武時移治東山之

上遂爾易號傳曰止戈為武詩云高平曰陵於是名

焉酉水北岸有黠陽縣許慎曰溫水南入黠蓋鬻水

以下津流汭注之通稱也故縣受名焉西鄉谿口在

遷陵縣故城上五十里左合酉水酉水又東際其故

城北又東逕酉陽故縣南而東出也兩縣相去水道可四百許里於酉陽合也

酉水東南至沅陵縣入於沅

存水出犍為郁郾縣

漢地志作犍郾縣注云郾音莫亞反

王莽之孱郾也

漢志莽曰孱郾

益州大姓雍闓反結壘於山

繫馬柳柱柱生成林今夸人名曰雍無梁林梁夸言

馬也周水自縣東南流逕牧靡縣北又東逕且蘭縣

北而東南出也

東南至鬱林定周縣為周水

周水又東逕牂牁郡之無斂縣北而東南與無斂水

合矣水首受牂牁水東逕無斂縣為無斂水又東注

於存水存水又東逕鬱林定周縣為周水蓋水變名也

也

又東北至潭中縣注於潭

溫水出牂牁夜郎縣

縣故夜郎侯國也唐蒙開以為縣王莽名曰同亭矣

溫水自縣西北流逕談臺與迷水合水西出益州郡

之銅瀨縣談虜山

晉地道記曰同瀨縣有同虜山

東逕臺

一作談藁縣右

注溫水溫水又西逕昆澤縣南又逕味縣故滇國

都也諸葛亮討平南中劉禪建興元年分益州郡置

建寧郡於此水側皆是高山山水之間悉是木耳夸

居語言不同嗜欲亦異

華陽國志夸人大種曰昆小種曰叟皆曲頭木耳環鐵裹

金雖曰山居士差平和而無瘴毒溫水又西南逕滇池於當作西北池周三百許里上源深廣下流淺狹

似如倒池一作倒流故曰滇池也長老傳下流淺言宋本

老傳言無下池中有神馬家馬交之則生駿駒日行流淺三字

五百里晉太元十四年寧州刺史費統言晉寧郡滇

池縣兩神馬一白一黑盤戲河水之上有滇州元封

三年立益州郡治滇城劉禪建寧郡治也溫水又西

會水澤與葉榆僕水合漢地理志益州有葉榆縣溫水又東南逕

牂牁之毋單縣建興中劉禪割屬建寧郡橋水注之

水止承俞亢一作元之南池縣治龍池洲周四十七里

一名河水與邪龍分浦後立河陽郡治河陽縣縣在

河源洲上又有雲平縣竝在洲中橋水東流毋單縣

注於溫溫水又東南興古郡之毋掇縣東王莽更名

有掇也與南橋水出縣之橋山東流梁水注之梁水

上承河水與俞元縣而東南逕興古之勝休縣王莽

更名勝熒縣梁水又東逕毋掇縣左注橋水橋水又

東注於溫溫水又東南逕律高縣南劉禪建興三年

分牂牁置興古治宛溫縣漢志牂牁郡有宛溫縣疑誤晉書地道

記治此溫水又東南逕梁水郡南溫水上合梁水故

自下通得梁水之稱是以劉禪分興古之盤南置郡

於梁水縣也溫東南一作溫水逕罽封縣北又逕來

唯縣東而僕水右出焉

又東至鬱林廣鬱縣為鬱水

秦桂林郡也漢武帝元鼎六年更名鬱林郡王莽以為鬱平郡矣應劭地理風俗記曰周禮鬱人掌裸器凡祭祀賓客之裸事和鬱鬯以實樽彝鬱芳草也百草之華煮以合釀黑黍以降神者也或說今鬱金香是也一曰鬱人所貢因氏郡矣溫水又東逕增食縣有文象水注之其水道源牂牁句町縣應劭曰故句町國也王莽以為從化文象水蒙水與盧唯水來細水伐水竝自縣東歷廣鬱至增食縣注於鬱水也又東至領方縣東與斤南水合

縣有朱厓水出臨塵縣東北流驪水注之水源上天

牂牁水東逕增食縣而下注朱厓水朱厓水又東北逕臨塵縣王莽之監塵也縣有斤南水浸離水竝逕臨塵東入領方縣流注鬱水

東北入於鬱

鬱水即夜郎豚水也漢武帝時有竹王興於豚水有一女子浣於水濱有三節大竹流入女子足間推之不去聞有聲持歸破之得一男兒遂雄夸濮氏竹為姓所捐破竹於野成林今竹王祠竹林是也王嘗從人止大石上命作羹從者白無水王以劍擊石出水今竹王水是也後唐蒙開牂牁斬竹王首夸獠咸怨以竹王非血氣所生求為立祠華陽國志作嗣帝封三子為侯

及死配父廟今竹王三郎祠其神也豚水東北流逕
談藁縣東逕牂牁郡且蘭縣謂之牂牁水水廣數里
縣臨江上故且蘭侯國也一名頭蘭牂牁郡治也楚
將莊蹻泝沅伐夜郎逕牂牁繫船因名且蘭為牂牁
矣漢武帝元鼎六年開王莽薈名同亭在柱浦關牂
牁亦江中兩山名也左思吳都賦云吐浪牂牁者也
元鼎五年武帝伐南越發夜郎精兵下牂牁江同會
番禺是也牂牁水又東南逕毋斂縣西毋斂水出焉
又東驩水出焉又逕鬱林廣鬱縣為鬱水又東北逕
領方縣北又東逕布山縣北鬱林郡治也吳陸緒謂
子績曰從今以後六十年車同軌書同文至太康元

年晉果平吳又逕中留縣南與溫水合又東入阿林
縣潭水注溫宋本水出武林郡鍾成縣玉山東流逕
鬱林郡潭中縣周水自西南來注之潭水又東南流
與剛水合水西出牂牁毋斂縣王莽之有斂也東至
潭中入潭潭水又逕中留縣東阿林縣西右入鬱水
地理志曰橋水東至中留入潭又云領方縣而有橋
水漢地理志鬱林郡領方縣有斤員水入鬱余診其川流更無殊津正是
橋溫亂流故兼通稱作者咸言至中留入潭潭水又
得鬱之兼稱而字當為南南橋水也蓋書字誤矣鬱
水右則留水注之水南出布山縣下逕中留入潭潭
水東逕阿林縣又東逕猛陵縣浪水注之浪水山海經作浪水

三十七卷浪水南至鬱
林潭中縣與隣水合
又東逕蒼梧廣信縣灘水注

之鬱林又東封水注之出臨賀郡馮乘縣西謝沐縣

東界牛屯山謂之臨賀晉地理志臨賀郡吳置統縣六曰臨賀謝沐馮乘封陽興

安富川東南流萌渚嶠西又東南左合嶠水庾仲初云

水出萌渚嶠南流入於臨臨水又逕臨賀縣東又南

至郡左會賀水水出東北與安縣西北有羅山東南

流逕興安縣西盛宏之荊州記云興安縣水邊有平

石上有石履言越王渡谿脫履於此賀水又西南流

至臨賀郡東右注臨水郡對二水之交會故郡縣取

名焉臨水又西南流逕郡南又西南逕封陽縣東為

封谿水故地理志曰縣在封水又西南流入廣信

南流注於鬱水謂之封谿水口者也鬱水又東逕高

要縣牢水注之牢水南出交州合浦郡治合浦縣漢

武元鼎六年平越所置也王莽更名曰桓合縣曰桓

亭孫權黃武七年改曰珠官郡郡不產穀多採珠寶

前政煩苛珠徙交趾會稽孟伯周為守有惠化去珠

復還謝塵後漢書孟嘗字伯周為合浦太守郡境舊採珠以易米食先是二千石貪穢使民採珠積

以自入珠忽徙去合浦無珠飢死盈路孟嘗行化一年之間去珠復還郡統臨允縣王

莽之大允也牢水自縣北流逕高要縣入於鬱水鬱

水南逕廣川當作廣州南海郡西浪水出焉又南右納西

隨三水又南逕四會浦水上承日南郡盧容縣西古

郎究浦內漕口馬援所漕水東南屈曲通郎湖湖水

承金山郎究究水北流左會盧容壽泠二水盧容水
 出西南區粟城南高山山南長嶺連接天障嶺西盧
 容水湊隱山遶西衛北而東逕區粟城北又東右與
 壽泠水合水出壽泠縣界漢地理志交阯郡有麓泠
 縣音麋零後漢郡國志同
晉志作麋泠唯沈約宋書州郡志作壽泠晉武帝太
 康十年分西卷立壽泠縣屬日南郡今注俱作壽泠
 從宋志也魏正始九年林邑進侵至壽泠縣以為界疆即
 此縣也區粟城南長嶺東壽泠縣以水湊故水得其
 名隱山繞東逕區粟故城南考古志竝無區粟之名
 應劭地理風俗記曰日南故秦象郡漢武帝元鼎六
 年開日南郡治西捲縣林邑記曰城去林邑步道四
 百餘里交州外城記曰從日南郡南去到林邑國四

百餘里準逕相符然則城故西捲縣也地理志曰水
 入海有竹可為杖王莽燬之曰日南亭林邑記曰其
 城治二水之間三方際山南北瞰水東西澗浦流湊
 城下城西折十此十角周圍六里一百七十步東西
 度六百五十步磚城二丈上起磚牆一丈開方隙孔
 塼上倚板板上五重層閣閣上架屋屋上架樓樓高
 者七八丈下者五六丈城開十三門凡殿南向屋宇
 二千一百餘間市居周帀繞阻峭地險林邑故兵器
 戰具悉在區粟多城壘自林邑王范胡達始秦餘徙
 民染同夸化日南舊風變易俱盡巢棲樹宿負郭接
 山榛棘蒲薄騰林拂雲幽煙冥緬非生人所安區粟

建八尺表日影度南八寸自此影以南在日之南故以名郡望北辰星落在天際日在北故開北戶以向日此其大較也范泰古今善言曰

隋志宋車騎將軍范泰撰古今善言

三十日南張重舉計入洛正旦大會明帝問日南郡

北向視日也一本作邪重曰今郡有雲中金城者必不皆

有其實日亦俱出於東耳至於風氣暄暖日影仰當

官民居止隨情面向東西南北迴背無定人性凶悍

果於戰鬪僂山習水不閑平地古人云五嶺者天地

以隔內外沉懸途於海表顧九嶺而彌邈非復行路

之逕岨信幽荒之冥域者矣壽泠水自西南宋本作

南東與盧容水合東注郎究究水所積不潭為湖謂

之狼湖浦口有秦時象郡墟域猶存自湖南望外通

壽泠從郎湖入四會漕元嘉二十年以林邑頑凶歷

代難化恃遠負眾慢威背德北寶既臻南金闕貢乃

命偏將與龍驤將軍交州刺史檀和之陳兵日南修

文服遠二十三年揚旌從四會漕口入郎湖軍次區

粟進逼圍城以飛梯雲橋縣樓登壘鉦鼓大作虎士

電怒風烈火揚城摧眾陷斬區粟王范扶龍首十五

以上戮截無赦樓閣雨血填尸城觀自四會南入得

盧容浦口晉太康三年省日南郡屬國都尉以其所

統盧容縣置日南郡及象林縣之故治晉書地道記

曰郡去盧容浦口二百里故秦象林郡當作象林縣

治也永和五年征西桓溫遣督護滕駿率交廣兵伐
范文於舊日南之盧容縣為文所敗即是處也晉書

文襲九真害士庶十八九征西督護滕駿率交廣之
兵伐文於盧容為文所敗舊本作膠駿交會譌也

退次九真叟治兵文被創死子佛代立七年駿與交

州刺史楊平復進軍壽泠浦入頓郎湖討佛於日南

故治佛螳聚連壘五十餘里駿平破之佛逃竄川藪

遣大帥面縛請罪軍門遣武陳延勞佛子與盟而還

康泰扶南記曰從林邑至日南盧容浦口可二百餘

里從口南發往扶南諸國常從此口出也故林邑記

曰盡絃滄之徼遠極流服之無外地濱滄海衆國津

逕鬱林一作水南倉通壽泠即一浦也浦上承交阯郡

南都官塞浦林邑記曰浦通銅鼓外越安定黃岡心

口蓋藉度銅鼓即越駱也有銅鼓因得其名馬援取

其鼓以鑄銅馬至鑿口馬援所鑿內通九真浦陽晉

書地道記九德郡有浦陽縣交州記曰鑿南塘者九

真路之所經也去州五百里建武十九年馬援所開

林邑記曰外越紀粟望都紀粟出浦陽渡儂州至與

宋本由渡故縣至咸驩咸驩屬九真咸驩已南麇麇

宋本滿岡鳴咆命疇警嘯聒野孔雀飛翔蔽日籠山

渡治日一作至九德按晉書地道記有九德縣交州

外城記曰九德縣屬九真郡在郡之南與日南接蠻

盧輦居其地死子寶綱代孫黨服從吳化定為九德

郡又為隸之林邑記曰九德九夸所極故以名郡郡
名所置周越裳氏之夸國周禮九夸遠極越裳白雉
象牙重九譯而來自九德道宋本類口水源從西北
遠荒逕寧州界來也九德浦內逕越裳究九德究南
陵究按晉書地道記九德郡有南陵縣晉置也宋書
志交州九德郡南陵縣晉武帝立太康地志無王隱志有竺枝一作竺芝扶南記山谿
瀨中謂之究地理志曰郡有小水五十二并行大川
皆究之謂也林邑記曰義熙九年交阯太守杜慧度
造九真水日與林邑王范胡達戰擒斬胡達二子虜
獲百餘人胡達限五月慧度自九真水歷都粟浦復
襲九真長圍跨山重柵斷浦驅象前鋒接刃城下連

日交戰殺傷乃退地理志曰九真郡漢武帝元鼎六
年開治胥浦縣王莽更之曰驩城也晉書地道記曰
九真郡有松原縣林邑記曰松原以西烏獸馴良不
知畏弓寡婦孤居散髮至老南移之嶺萃不踰仞倉
庚懷春於其北翡翠熙景乎其南雖嚶嚶接響城隔
殊非獨步難遊俗姓塗分故也自南陵究出於南界
蠻進得橫山太和三年范文侵交州於橫山分界度
北景廟由門浦至古戰灣吳赤烏十一年魏正始元
年交州與林邑於灣大戰初失區粟也渡盧容縣日
南郡之屬縣也自盧容縣至無戀無戀未詳漢地志九真郡有無編縣
越烽火至比景縣日中頭上影當身下與影為比如

淳曰故以比景名縣闕駟曰比讀蔭庇之庇影在已
下言為身所庇也林邑曰渡比景至朱吾朱吾縣浦
今之封思朱吾以南有文狼人野居無室宅依樹止
宿魚食生肉採香為業與人交市若上皇之民矣縣
南有文狼究下流逕通晉書地道記曰朱吾縣屬日
南郡去郡二百里此縣民漢時不堪二千石長吏調
求引屈都乾為國林邑記曰屈都夸也朱吾浦內通
無勞湖無勞究水通壽泠浦元嘉元年交州刺史阮
彌之征林邑楊邁出婚不在奮威將軍阮謙之領七
千人先襲區粟以過四會未入壽泠三日三夜無頓
止處凝海直岸遇風大敗楊邁攜婚都部伍三百許

船來相救援謙之遭風餘數船艦夜於壽泠浦裏相
遇閩中大戰謙之手射楊邁柁工船敗縱橫崑崙單
舸接得楊邁謙之以風溺之餘制勝理難自此還渡
壽泠至溫公浦升平三年溫放之征范佛於灣分界

陰陽折

宋本
作圻

入新羅灣至焉下一名阿賁浦入彭龍

灣隱避風波即林邑之海渚元嘉二十三年交州刺

史檀和之破區粟已飛旂蓋海將指典沖於彭龍灣

上鬼塔與林邑大戰還渡典沖林邑入浦令軍水進

持重故也浦西即林邑都也治典沖去海岸四十里

處荒流之微表國越裳之疆南秦漢象郡之象林縣

也東濱滄海西際徐狼南接扶南北連九德後去象

林林邑之號建國起自漢末初平之亂人懷異心象
林功曹姓區有子名連攻其縣殺令自號為王值世
亂離林邑遂立後乃襲代傳位子孫三國鼎爭未有
所附吳有交土與之鄰接進侵壽冷以為疆界自區
連以後國無文史失其篡代世數難詳宗肩滅絕無
復種裔外孫范熊代立人情樂推後熊死子逸立有
范文日南西捲縣夸師雅夸奴也晉書作夸師文為
奴時山澗牧羊於澗水中得兩鱧魚隱藏挾歸規欲
私食郎知檢求文大慙懼起託云將礪石還非為魚
也郎至魚所見是兩石信之而去文始異之石有鐵
文入山中就石治鐵鍛作兩刀舉刀向鄣因祝曰鱧

魚變化治石成刀斫石鄣破者是有靈神文當治此

為國君王斫不入者是刀無神靈進斫石鄣如龍淵

干將之斬蘆臺御覽作藁由是人情漸附今斫石尚在魚

刀猶存傳國子孫如斬虵之劍也雅嘗使文遠行商

賈北到上國多所聞見以晉愍帝建興中南至林邑

教王范逸制造城池繕治戎甲經始廟略宋本作王

愛信之使為將帥能得衆心文讒王諸子或徙或奔

王乃獨立成帝咸和六年死無肩嗣文迎王子於外

國海行取水置毒柳子中當作柳子飲而殺之遂脅國人

自立為王取前王妻妾置高樓上有從已者取而納

之不從已者絕其飲食乃死江東舊事云范文本揚

州人少被掠為奴賣墮交州年十五六遇罪當得杖
畏怖因逃隨林邑賈人渡海遠去沒入於王夫被幸
慶經十餘年王死文害王二子詐殺侯將自立為王
威加諸國或夸椎蠻語口食鼻飲或雕面鏤身疑歧一字
脫裸種漢魏流赭咸為其用建元二年攻日南九德
九真百姓奔迸千里無煙乃還林邑林邑西去廣州
二千五百里城西南角高山長嶺連接天鄣嶺北接
澗大源淮水出船船遠界三重長洲隱山繞西衛山
一本作北迴東其嶺南開澗小源淮水出松根界上山壑
流隱山繞南曲街迴東合淮流以注典沖其城西南
際山東北瞰水重澗流浦周繞城下東南澗外因旁

薄城東西橫長南北縱狹北邊兩端迴折曲入城周
圍八里一百步塼城二丈上起塼城一丈開方隙孔
上倚板板上層閣閣上架屋屋上構樓高者六七丈
下者四五丈飛觀鷓尾迎風拂雲綠山瞰水騫翥崑
峩但制造壯拙稽古夸俗城開四門東為前門當兩
淮渚濱於曲路有古碑夸書銘讚前土胡達之德西
門當兩重澗北迴上山山西即淮流也南門度兩重
澗對溫公壘升平二年交州刺史溫放之殺交阯太
守寶別駕阮郎遂征林邑水陸累戰佛保城自守重
求請服聽之今林邑東城南五里有溫公二壘是也
北門濱淮路斷不通城內小城周圍三百二十步合

堂瓦殿南壁不開兩頭長屋脊出南北南擬背曰西
區城內石山順淮面陽開東向殿飛檐鴟尾青瓊丹
墀榱題椽椽多諸古法閣殿上柱高城丈餘五牛屎為
塗牆壁青光迴度一作廊曲掖綺牖紫牕椒房嬪媵無
別宮觀路寢永巷共在殿上臨踞東軒逕與下語子
弟臣侍皆不得上屋有五十餘邱與區同連甍接棟檐
宇如承宋本作相承神祠宋本作乾鬼塔小大八廟層臺重榭
狀似佛刹郭無市里邑寡人居海岸蕭條非生民所
處而首渠以永安養國十世豈久存哉元嘉中檀和
之征林邑其王楊邁舉國夜奔竄山藪據其城邑收
寶巨億軍還之後楊邁歸國家國荒殫當作殄時人靡

存躑躅崩擗憤絕復蘇即以元嘉二十三年死初楊
邁母懷身夢人鋪楊邁金席與其兒落席上金光已
起昭晰豔曜一本作與其兒落金席華俗謂上金為
紫磨金夸俗謂上金為楊邁金父胡達死襲王位能
得人情自以靈夢為國祥慶其太子初名咄後楊邁
死咄年十九代立慕先君之德復故宋本改名楊邁昭
穆二世父子共名知林邑之將亡矣其城隍漸之外
林棘荒蔓榛榎冥鬱藤盤筆秀參錯際天其中香桂
成林氣清煙激桂父縣人也棲居此林服桂得道神仙
傳云桂父象林人也色黑而時白時黃時赤南海人
尊事之嘗服桂及葵以龜腦和之干九斤桂今荆
州之南尚時禽異羽翔集間關兼比翼鳥不比不飛
有桂丸也

鳥名歸飛鳴聲自呼此戀鄉之思孔悲桑梓之敬成俗也豫章俞益期性氣剛直不下曲俗容身無所遠適在南與韓康伯書曰惟檳榔樹最南遊之可觀但性不耐霜不得北植不遇長者之目令人恨淡嘗對飛鳥戀土增思寄意謂此鳥其背青其腸當作腹赤丹心外露鳴情未達終日歸飛飛不十千路由宋本萬里何由歸哉九真太守任延始教畊犁俗化交土風行象林知畊以來六百餘年火耨畊藝法與華同名白田種白穀七月火作十月登熟名赤田種赤穀十二月作四月登熟所謂兩熟之稻也宋本於草甲舊本作萌芽穀月代種種稔早晚無月不秀畊耘功

重收穫利輕以速故也米不外散恒為豐國桑蠶年八熟繭三都賦所謂八蠶之絲者矣其小水崖巖巖常吐飛溜或雪霏沙漲清寒無底分谿別壑津濟相通其水自城東北角流水上縣起高橋渡淮北岸即彭龍區粟之通達也檀和之東橋大戰楊邁被創落象即是處也其水又東南流逕船官口船官川源徐狼外夸皆裸身男以行筒掩體女以樹葉蔽形外名狼脍所謂裸國者也雖習俗裸袒猶恥無蔽惟依暝夜與人交市閤中齾金僂知好惡明朝曉看皆如其言自此外行得至扶南按竺枝扶南記曰扶南去林邑四千水步道通檀和之令軍入邑浦據船官口城

六里者也自船官下注大浦之東湖水連行湖本
灊上西流潮水日夜長七八尺從此以西朔望并潮
一上七日水長丈六七七日之後日夜分為再潮水
長一二尺春夏秋冬厲然一定高下旋度水無盈縮
是曰海運亦曰象水也又兼象浦之名晉功臣表所
謂金遡清逕象渚澂源者也其川浦渚有水蟲彌微
攢木食船數十日壞源潭湛瀨有鮮魚色黑身五丈
頭如馬首伺人入水便來為害山海經曰離耳國雕
題國皆在鬱水南林邑記曰漢置九郡儋耳預焉民
好徒跣耳廣垂以為飾雖男女褻露不以為羞暑褻
薄日自使人黑積習成常以黑為美離騷所謂玄國

矣然則儋耳即離耳也王氏交廣春秋曰朱厓儋耳

二郡與交州俱開皆漢武帝所置大海中南極之外

對合浦徐聞縣

漢地理志合浦郡有徐聞縣一本作休聞縣非

清朗無風之

日逕望朱厓州如困廩大從徐聞對渡北風舉帆一
日一夜而至周迴二千餘里徑度八百里人民可十

萬餘家皆殊種異類被髮雕身而女多姣好白皙長

髮美鬢犬羊相聚不服德教儋耳先廢朱厓數叛元

帝以賈捐之議罷郡楊氏南裔異物志曰儋耳俱在

朱厓分為東蕃故山海經曰在鬱水南也鬱水又南

自壽冷縣注於海昔馬文淵積石為塘達於象浦建

金標為南極之界俞益期戕曰馬文淵立兩銅柱於

水經卷三十六
林邑岸北有遺兵十餘家不反居壽冷岸南而對銅
柱悉姓馬自婚姻今有二百戶交州以其流寓號曰
馬流言語飲食尚與華同山川移易銅柱今復在海
中正賴此民以識故處也林邑記曰建武十九年馬
援樹兩銅柱於象林南界與西屠國分漢之南疆也
土人以此流寓號曰馬流世稱漢子孫也山海經曰
鬱水出象郡而西南注南海入項陵東南者也應劭
曰鬱水出廣信東入海言始或可終則非矣

